





***Veçoritë dhe njohuritë
gjeografiko – historike për Tokën***


- Njohuritë e para gjeografike datojnë prej popujve më të vjetër qysh para 3.000 vjetve. Babilonasit e vjetër kanë menduar se Toka është pllakë e palëvizshme, indusët e kanë paramenduar Tokën në formë të pllakës, e cila ka qenë në shpinë të 3 elefantëve, për egjiptasit e tërë bota ka qenë Egjipti.
- Kontribut për njohuritë gjeografike më së shumti në kohën e vjetër kanë dhënë grekët e vjetër. **Herodoti** (485 – 425 p.e.s.) është një ndër historianët dhe gjeografët më të njohur grekë. Kontribut të rëndësishëm kanë dhënë edhe filozofët e vjetër grekë si **Anaksimandri**, **Demokriti**, **Aristoteli**, **Arisarhi**, **Eratosteni** etj,





Harta e parë e Botës e përpiluar nga Anaksimandi (610-546 p.e.s.)

- Prej kohës së vjetër gjithashtu janë të rëndësishëm edhe Straboni i cili ka shkruar veprën “Gjeografia” në 17 libra dhe Ptolomeu me “Veprën e Madhe” në të cilën ka dhënë përshkrim për gjithë botën në atë kohë dhe ka bërë edhe hartë.
- Në mesjetë zbulimet dhe njohuritë gjeografike i kanë përhapur shumë popuj si arabët, normanët, italianët etj. Gjeografë dhe udhëpërshkrues më të njohur arabë kanë qenë: Mesudi, Idrizi dhe Ibn Batuta.



Tabula Roxherina (harta e Roxherit), e vizatuar nga al-Idrisi, ishte harta më e avancuar e kohës (1154)